

БҮРЯАДАЙ ХҮНДЭЛЭЛЭЙ

Бүгэдэ арадай сонин

1998
ИЮНИН
20

Зунай эхин
улаагшан могой
харын
26
гарагай 7
СУББОТО
№ 109 (19950)
Газетын сэн хэлсэлтэ

1921 оной
декабриин
21-нээ гарана

ХАРИЛСАА ХОЛБООГОО УЛАМ СААШАНЬ БЭХИЖҮҮЛХЭ ХЭРЭГТЭЙ

Дэлхэйн эгээл хүгжэнги гүрэнүүдэй нэгэн болохо Германи гүрэнтэй манай Буриад орон үнэинэй тогтоон нүхэр үнэинэй харилсаатай юм. Хүндэб гэхэдэ, манай республикада 2 мянга шахуу (ганса хахаминай аймагта 600 гаран) немец яхатан ажаһуудаг гэшэ үб даа. Хэдэн арбаад жэл соо суг хаяа хадхажа һуугаад, немец зоний нягта нарин, ажалша, һайн ханаатай абари зангыё манай арад үндэрөөр сэгнэдэг болоһон гэшиэ.

Тиимэһээ Германиин Федеративна Республикын Россида хилэлшэн сайд Эрнст-Георг фон Шудитц түүрүтэй Германиин олзын хэрэг эрхилэгшэдэй манай республика ажалай хэрэгээр эрэхэдэ, манай ороной түлөөлгшэд дулаанаар угтан абанан байна.

Германиин делегаци Буриад Республикын Правительствын болон Арадай Хуралай, Министерствэнүүдэй, Улаан-Үдэ хотын захиргаанай ба хэдэн предпритинуудай хүтэлбэрилгшэдтэй, олоонитэтэй уулзаа.

Буриад Республика ба Германи хоёрой хоорондо мүнөө тогтоон ба ерээдүйн

харилсаа холбооной асуудалнуудаар Арадай Хуралда хөөрэлдөөн болоо.

Арадай Хуралай Түрүүлгшын орлогшо А.Карнышев үгэ хэлэхэдэ, өөрынгөө ажалда, илангаяа хүтэлбэрилгын талаар манай республика Германиин дүйдүршэл үргэнөөр хэрэглэдэг гэжэтэмдэглээ. Зүгөөрехэнхидээ байгаа литература дээрэ үндэһэлэн ажал ябуулна. Энэ болон бусад гүшээ, дүй дүршэлнүүдые гүнзгыгөөр шэнжэлхэ гэнэн асуудалда анхарал хандуулха ёһотойбди. Харин экономикын талаар харилсаагаа улам бата бэхи болгохо гэшээ хэзээ хэзээнэй-хихээ хэрэгтэй.

Мүн тиихэдэ Буриадар парламент, тэрэнэй федеральна засагтай харилсаа холбоон тухай А.Карнышев дэлгэрэнгыгээр хөөрөһөн байна.

Харин айлшад Арадай Хуралай партийна фракцинууднаа эхилээд, республикынэй экономика арга боломжонууд хүрэтэр асуудалнуудаар һонирхоо.

Нэн түрүүн гүрэн дотор тогтоон налог түлбэри ондоо, ганса предприти, фирмэнүүдтэ

бэшэ, мүн юрын зондо тааруу болгохо асуудал айлшадай ханаа зобооно гэхээр байгаа. Тэдэнэй хэлэхээр, мүнөө хэрэглэдэг налогой системэ һайн талаараа илгардаггүй, тиимэһээ Буриадар олзын хэрэг эрхилэгшэдэй хилын саанаһаа продукци оруулхадань, тэрэнэйнгээ түлөө мүнгэ түлэхэ шадальны ушаргүй доошолно.

Энэ ушар хилын саанахи олзын хэрэг эрхилэгшэдтэй нягта холбоо байгуулха хэрэгтэ тонехэ хаалта хэнэ.

Тиигэбшье Германиин түлөөлгшэдэ манай Буриад ороной экономикын байдалаар, ерээдүй арга боломжонуудаар ехэтэ һонирхоо. Тэрэнэй хажуугаар туризм хүгжөөхэ асуудалда өхөхөн анхаралаа хандуулаа. Делегациин тоодо энэ халбари, туризм эрхилдэг түлөөлгшэдэй байһаниинь дэмьдэбэшэ гэжэ ойлгохоор.

Бусадшье асуудалнуудар һанамжануудаа хубаалдаа. Бүхы дээрэн хэлэхэдэ, хоёр талын түлөөлгшэд холбоо харилсаагаа улам саашань хүгжөөхэ, бэхижүүлхэ гэнэн һанамжада өрөө.

В. БАДМАЕВ.

4 - д э х и
н ю у р т а .
Харюусал-
гата ажалаа
мэдэрэн...
(Улаан-Үдын
станциин
отделенческэ
больницын
поликлиникэ
тухай).



Зураг дээрэ: врач С.Д. Гунгаева.

ШУХАЛА АСУУДАЛ ЗҮБШЭГДӨӨ

«Мүнөөнэй буриад бэшэгэй дүрим һайжаруулха тухай» асуудалаар суглаан Буриадар гүрэнэй университетэй буриад хэлэнэй ба литературын кафедрата болоо һон. Буриад арадай үндэһэн хэлэ хүгжөөхэ, шэнжэлхэ талаар элитэ мэдээжэ эрдэмтэд, республикын һуралсалай болон эрдэм ухаанай министерствын, бусад эмхи зургаануудай хүдэлмэрилэгшэд, юрэнхы дунда болон дээдэ хургуулинуудай багшанар, журналистнууд суглаанай хүдэлмэридэ хабаадаһан байгаа.

Республикын Президент болон Правительствын дэргэдэхи Гүрэнэй оршуулгын албанда байгуулагдаһан бэшэгэй дүримэй (орфографин) комиссион түрүүлэгшэ - Буриадар нийтын эрдэмэй институтай хэлэ бэшэгэй таһагыё даагша, хэлэ бэшэгэй эрдэмэй доктор, профессор И.Д.Бураев хураалдаа нээхэдэ: «1961 ондо баталагдан абтаһан буриад бэшэгэй дүрим һайжаруулха тухай асуудалаар манай республикын мэдээжэ эрдэмтэд һанамжануудаа хэлэдэг, гүнзгыг удахтай, дэлгэрэнгы статьянуудыё сонинуудай хуудануудта ходо ходо хэблүүдэг болонхой. Тиин мүнөөдэр суглаа зарлажа, энэ асуудалыё зүбшэн хэлсэхыё шийдэбэди», - гээд онсолоо.

Буриадар гүрэнэй университетэй буриад хэлэнэй ба литературын кафедрын профессор, хэлэ бэшэгэй эрдэмэй доктор А.Н.Доржиев «Мүнөөнэй буриад бэшэгэй дүрим һайжаруулха тухай» асуудалаар элидхэл хэбэ. Тиихэдээ тэрэ дээрэ дурсагдаһан «Буриад бэшэгэй дүримэй» 59, 60, 61, 62, 63, 64 болон 68-дахы параграфуудта гол анхаралаа хандуулжа, дэлгэрэнгыгээр тогтоон байгаа. Сонинуудай, радио болон телевидениин хүдэлмэрилэгшэд паарна үгэнүүдые хэтэрмэ үлүүгээр хэрэглэнэ гэжэ эрид шүүмжэлбэ. Гэхэтэй хамта үгэ нэмэлгын аргаар шэнэ үгэ гаргалгада дурагүйдэдэг хүнүүд олошонхой, тиихэдээ паарлуулан хэлэлгэ гэшээ буриад хэлэнэй онсо шэнжэнь юм гэжэ буяалдахашье ушар гарана.

Тиимэһээ «Буриад бэшэгэй дүримдэ» заһабаринуудыё дары оруулха тухай дээдын зургаануудта хандажа, баталуулха шуухала гэжэ элидхэлшэ түгэхэдөө тэмдэглээ.

Элидхэлшын һанамжыё дэмжэхэсье, буруушааханье хүнүүд оддобо. Буриадар нийтын эрдэмэй институтай хэлэ бэшэгэй таһагай ахамда эрдэмтэ хүдэлмэрилэгшэ, хэлэ бэшэгэй эрдэмэй доктор Л.Д.Шагдаров элидхэл зүбшэн хэлсэлгыё эхилхэдэ, энэ талаар гансал өөрынгөө бэшэ, харин таһагайнгаа һанамжыё элирхэйлээ гээд онсололтой.

Буриадар гүрэнэй университедэй багшанар, хэлэ бэшэгэй эрдэмэй докторнууд, профессорнууд: буриад хэлэнэй ба литературын факультэдэй декан С.Ж.Балданов, буриад хэлэнэй ба литературын кафедрны даагша, Россин Эрдэм һуралсалай академийн гүшүүн-корреспондент Э.Р.Раднаев, У-Ж.Ш.Дондуков, Ш.Р.Цыденжапов, хэлэ бэшэгэй эрдэмэй кандидат, доцент Н.Б.Дугаров, эхин классуудай һуралсалай факультэдэй хэлэнүүдтэ һургалгын методикын кафедрын багша Ц.Б.Будаев, Россин Федерациин үндэһэтэнэй эрдэм һуралсалай асуудалнуудыё шэнжэлдэг институтай Буриадар филиалай ахалагша эрдэмтэ хүдэлмэрилэгшэ, педагогикын эрдэмэй кандидат Л.Б.Намжиаог, БИОН-ой хэлэ бэшэгэй таһагай ахалагша эрдэмтэ хүдэлмэрилэгшэ, хэлэ бэшэгэй эрдэмэй кандидат С.Д.Бабуев, Гүрэнэй оршуулгын албанай хүтэлбэрилэгшэ Б.М.Ж.Жигжитов болон бусад элидхэл зүбшэлэгшэд хабаадажа, һанамжануудаа хэлэхэн байха юм.

Мүнөөнэй буриад бэшэгэй дүримыё һайжаруулха талаар зарим тэды заһабаринуудыё оруулхыё суглаанда хабаадагшад дурадхалан байгаа. Энээн тухай эрдэмтэдэй һанамжа, дурадхалууд саашадаа республикын сонинуудай хууданууд дээрэ толиогдожо байха аабза гэжэ найданабди.

Б.М.ЖИГЖИТОВ.

Июниин 21-медицинын хүдэлмэрилэгшэдэй үдэр

БАЯР ЁһОЛОЛОЙ ОРШОНДО

Уржэдэр Буриадар гүрэнэй оперо болон баледэй академическэ театр соо Буриад Республикын, мүн республикын элүүрыё хамгаалгын 75 жэлэй ойнуудта зорюулагдаһан баярай суглаан болобо. Республикын элүүрыё хамгаалгын министр Б.Г.Бальжиров баярай суглаа нээгээд, Буриад Республикын Президент, Правительствын Түрүүлэгшэ Л.В.Потаповта амаршалгын үгэ үгэбэ. Энэ хүшэр үедэр республикын Правительство элүүрыё хамгаалгын эмхинүүдые сагай эрилтэдэ хүрэмэ орёо онһон түхээрлэгнүүдээр хангаха талаар горитой ажал ябуулна, ябуулһааршье. Бюджетэй эмхи зургаануудай хүдэлмэрилэгшэдэй салин хүлһэнэй үрине бага болгохо асуудал шийдхэгдэжэ байна гэжэ Президент онсолоод, хүн зоной элүүр энхыё хамгаалгада бэлиг зориггоо, хүсэл эрмэлзэлээ зорюулһан сагаан халаадтаниё амаршалба.

Удаань республикын Президент Л.В.Потапов, Правительствын Түрүүлэгшын орлогшо Л.Ч.Нимаева ажалдаа амжалта туйлаһан түрүү ариачнуудта, медицинн хүдэлмэрилэгшэдтэ «Буриад Республикын арадай врач», «Буриад Республикын габыята врач», «Буриад

Республикын элүүрыё хамгаалгын габыята хүдэлмэрилэгшэ» гэнэн хүндэтэ нэрэ зэргэнүүдэй үнэмшэлгэнүүдые, мүнгэн бэлэг сэлэгтэйгээр эндэ сугларашадай нэръемэ альга ташалган доро барюулаа.

Буриад Республикын Арадай Хуралай Түрүүлэгшын орлогшо А.Д.Карнышев Буриад Республикын Арадай Хуралай Хүндэлэлэй грамотануудыё, Улаан-Үдэ хотын мэр Г.А.Айдаев хотын мэрэй Хүндэлэлэй грамотануудыё элүүрыё хамгаалгын олон хүдэлмэрилэгшэдтэ баяр ёһололой оршондо мүн лэ барюулба.

Элүүрыё хамгаалгын министр Б.Г.Бальжиров хүндэтэ нэрэ зэргэнүүдтэ хүртэһэн, Хүндэлэлэй грамотануудаар шагнагдаһан халбарингаа түрүүшүүлнүүдые, республикынгаа элүүрыё хамгаалгын бүхы хүдэлмэрилэгшэдыё мэргэжэлтэ үдэрөөрнэ амаршалаад, хүн зоной элүүр энхыё хамгаалха хүндэтэйсье, хүшэрсье ажалдань амжалтануудыё туйлахыёнь хүсэбэ.

Баярай суглаанай түгэххэдэ һайндэрэй концерт харуулагдаба.


Далай ХУБИТУЕВ.

ЗАҺАБАРИ

1998 оной июниин 19-нэй «Бизнес Олзо» газетэдэ Валерий Дабавай «Вахханалия вокруг имени Президента Калмыкии» гэнэн гаршагтай материал соо автарай, мүн редакциин зэмээр алдуу гараа.

3-дахы колонкын 15-дахы мүртэ «пьяные» гэжэ үгын орондо «рьяные» гээд уншаха. Уншагшадһаа редакци хүлисэл гуйна.

ВЕРЫНЬ ШЭЛЭХЭН ЗАМ



бэлэй. Элдэб үбшэнтэнөөр дайралдаха, тэдэниие абарха талаар ехэ нургуули эндэл гарагдаа гэшэ. Энэ хүдэлхэн табан жэлээ «ёһотойл университет байһан юм» гээд Валера хэлэнэ.

Түргэн туһаламжын больницын кардиологиин таһагые даагша Г.С.Бутуханова 1996 оной февраль соо шэнэ кардиореанимациин блок эмхидхэн байха. Тэрэ блогой нээгдэхэн ушар тон шухалашье, удхатайшые байһан юм. Юндэб гэхэдэ, кардиологиин таһагта зүрхэнэй үбшэнэй элдэб янзаар үбдэхэн үбшэнтэн байдаг юм. Тэдэнэй эгээл хүндөөр үбдэхыень гансата тэрэ блогто оруулжа, шангадхагдаһан тусхай туһаламжада үзүүлээд, нэгэ жааха дээрэ болоходонь, олон хүнэй байдаг палатада оруулдаг гуримтай. Энэ хөөрөөнэймни герой Вале-

рендоржиев, Валерий Павлович Амагыров, Валентина Рыгзеневна Будаева, медсестранууд Соёлма Цыденова, Лариса Харитонова, Цырема Жанчикова, Елена Булгаева гэгшэдгэ хүргэхэн баяр баясхалангай үгэнүүд, бүхы хайн хайхание хүсэхэн үрээлнүүд сэдхэл хүдэлгэхэдэл гэхэ юм.

Хүдэр хара шарайтай, нүдэндөө шэлтэй, дундуур бэетэй хүнэй кардиологиин таһаг соо эршэмтэйгээр гэшхэлэн ябахые харахат. Хэрбээ ямар нэгэ асуудалаар тэрээндэ хандаа хаатнай, зөөлөхөн харасаяа ган дээрэ тогтоон, энеэбхилэн байжа ушарыетнай асууха. Тиигээд үбшэнэйтнай шалтагаан тухай, ямар эм домоор яжа аргалха ёһотойб гэжэ танда зааболойлгуулахые оролдохо.

Валерий Павлович манай хураһан асуудалнуудта харюусаха зуураа, зарим



ХҮДӨӨ нотагта түрэхэн, хүдөө ажа хы н үйлэдбэрийн мэргэжэлтэ болохо тухай зааханһаа хүсэдэг байһан Павел Амагыров хүбүүнэйнгээ өөрыень нажаагаа һаа, ехэл дуратай байгаа юм. Теэд хүбүүниинь эсэгынгээ мүрөөр ябангүй, мэдээ орохоһоонь хойшо хүдөөгэй фельдшерээр хүдэлжэ ябаһан эхээ даган, эмшэнэй мэргэжэлые шэлэхэхээ байха, тэрэнээ улам саашан гүнзэгыгөөр шудалха гэхэн хүсэлдэ, үни хада, бүри заахан ябаханаа хойшо абтаһан байгаа. Тиин арбан зургаа наһатайдаа Инзагатын (Зэдын аймаг) дунда нургуули дүүргэхэн Валера Амагыров 1979 ондо Шэтын медицинскэ институтта ороһон юм. «Яахаб теэд. Эрэ хүн хадаа хирург болохо бээ», - гэжэ эсэгынь наһанан хүбүүниинь терапевт боложо гараһан юм. Врач болоһон хүбүүн Буряад ороноо бусажа ерэхэдээ, түргэн туһаламжын больницада терапевтээр хүдэлжэ эхилбэ. Эндэ табан жэл соо хүдэлхэ зуураа үзөөгүй юмэнь үгы

рий Амагыров тус блогто хүдэлмэрлхөөр уригдаһан байна.

Нэгэдэхи категориин врач В.П.Амагыров В.С.Хамнагдаев, В.Ц.Цырендоржиев нүхэдтэйгөө магтуулдаг боложо үрдинэн, кардиореанимационно блогто амжалтатайгаар хүдэлжэ байна. БСМП-гэй кардиологиин таһаг бүхыдөө мүнөө үеын элдэб аппаратураар хайнаар хангаданхай; зүрхэнэй үбшэнтэй хүнүүдые шухала эм домоорнь гүйсэд хангахын тулада таһагые даагша И.М.Хабалова, торсоведэй депутат, больницын ахамад врач Ф.П.Ботоева гэгшэд нилээд оролдолго гаргадаг.

Дээрэ дурдагдаһан врачнуудай хажууда хүдэлдэг медсестранууд, Михаил Сергей хоёр медбрадууд олондо хайнаар дурсуулдаг, баяр баясхалангай үгэнүүдгэ хүргэдэг болоһон юм.

В.Филишовэй нэрэмжэтэ хүдөө ажахын академиин доцент В.С.Загузинагай ханамжа, дурадхалнуудай дэбтэр соо бэшэхэниие уншахадамнай, врачнууд Валерий Цыденович Цы-

тэды һонирхолтой тоонуудые дурдаа бэлэй.

- Манай кардиореанимациин блогто гол түлэб инфаркт болоһон хүнүүд ороно. Жэлдээ отделенидэмнай ороһон 700-800-гаад үбшэнтэнэй 250-300-гаадын манай блогто хэбтэжэ, эршэмтэй аргаламжа абаһанай хүлээр палатада оруулагдадаг. Һүүлэй үедэ энэ үбшэн (инфаркт) һүжэрэнги, «залуушые» болохо шэнжэтэйгээр үзэгдэнэ. Энэмнай хүн зоной социальн-экономическа байдалтай холбоотой асуудал ааб даа, - гээд доктор Амагыров тэмдэглээ бэлэй.

БСМП-гэй кардиологиин таһагай дурадхал, ханамжануудай дэбтэр ехэ зузаан бэшэшые һаа, сэдхэхэлэй дулаахан үгэнүүдээр баян байжа гайхуулба. Тэдэнэй дунда хэлэгдэхэн олон хайхан ханамжанууд Валерий Павловичта хабаатай байна хэн.

В.ТОКТОХОЕВА.
ЗУРАГ ДЭЭРЭ: БСМП-гэй кардиолог-реаниматолог В.П.Амагыров медсестрануудта хамта.
(Гэр булын альбомһоо).

Хориин аймагай 75 жэлэй ойдо

Базар Цыбиков

ХОРИИН АЙМАГ

Үлэ бариса
Үндэр дабаан Хүрбэһоо,
Уужам тэнюун
Хориин аймаг нэмжыгээд,
Домог суута
Булган талаяа хүрэтэрөө,
Дэлгэр баян
Дайдам налайн хэшэгтэйш.

Үдэ, Анаа,
Зэргэлэй голой бэлшэртэ,
Үлгы хайхан
Түбөө бодхоон алдаршаад,
Балжан шэнги
Хүүхэд олоор үдэнхэй,
Бабжа шэнги
Баатарнуудаа дэгжээгээш.

Дээдын ехэ
Хун шубуун гарбалаа,
Мэргэн угаа
Үндэр нэрээ нэршүүлээд,
Хори буряад
Арад зомнай жаргалтай,
Ажал солоор
Хорин аймаг, суурханхайш.

ГЭСЭРЭЙ 1000 ЖЭЛЭЙ ОЙДО

Хүдөө нотагтаа суурхуулан
Хүдэр ажалша араднай,
Хүлэгэй һайни зайдалан
Хори хайхан нотагнай.

Абай Гэсэрэй тугые
Абажа ерэхэн айлашадаа,
Хадаг барин хүндэлжэ,
Хорин аймаг, угтаалши.

Мянган жэлэйн Гэсэрэйнгээ
Мүнхэ домог удхалжа,
Наран хадын бооридо
Найрлан хүхин сэнгээлши.

Урда сагайм гарбалай
Аман үгэ дамжаһаар,
Галаб тойрон эрьезшэ
Гэсэрэй нангин тугые

Аглаг номин нотагайнгаа
Аягангаар арюудхаад,
Аласайнь замда үрээлээр
Арад Хорин үдэшөөлши.

БАЛЖАН ХАТАН

Галаб сагаан нэлгээн соо
Хүнэй наһан тоосоогүй,
Хүрдэ сансарын эрьезн соо
Хүлгэн жэлнүүд хубарина.

Угайм бэшэгэй нэргээн соо
Угсаатамнай элирнэ,
Буряад арадай домог соо
Балжан хатан тодорно.

Арад зоноо дайсадһаа
Абархая түрөөлши,
Ами наһаа гамнаагүй
Алдар солодо хүртөөлши.

Энжэ ерэхэн арадшни
Эбтэй зетэй жаргалтай,
Арбан нэгэн эсэгынгээ
Алдар нэрын үргэнхэй.

Энэ галабай үймоон соо
Элинсэгээ нэргээнэ,
Байгал далайн оршом соо
Буряад ороноо мандуулна.
1992 он.

БАБЖЫН ДОМОГҢОО ШҮЛЭГ

Зазым адагһаа үргэлжэ
Залгаа Хэжэмэдэй
Һарьдагууд бии,
Эндэхээл байжа харахалта
Алтанай шэлын уняартахы.

Энэл домогто дабаанһаань
Эржэн хангай байгаалим,
Эхнээ табин уруудахал
Ара тээшээ Баргажан.

Онёо голын зубшажа
Угсаатан наһаанань буудаг
Һэн,

Баян голоорнь агнажа
Байгал далайдаа хүрэдэг хэн.
Ойхоной олон ноёдые

Ошожо арадни тахидаг хэн,
Бархан үндэр ууладаа
Булта хүгэдэн мүргэдэг хэн.

Энэ хүбшын зүргэ
Элинсэгэйм харгы байһан юм.

Халжуу, булга олзолжо
Хангайн хэшэгтэ хүртэдэг хэн.

ААЛАН ӨӨДЭ - ДОМОГОЙ ОРОН

Аалан оодэ домогой орон
Алим жэмэс элбэг даа,
Улаан таша алирһанайнь
Морёор эшын гэшхүүлэхэ.

Шугын оёроһоо - гэнтэ
Шулуун хүшоонүүд угтахал,
Дамба ноён үригүйдөөд
Дарсайтар обоолуулан
Түүхэтэй.

Нээрээхээш обоо шулуунуудынь
Ногоон хүбхэндэ барюулшатараяа,
Мүнөөш болотороо нэрын
Мүнхэлэн дуугай нуунал хаш.

Хажуугаарнь алад саашалхаш
Хара марса, Ааланай,
Хандагай буганууд тодоотой
Аа,

Харайлдахын хараад гайхахаш.

Урдаш хада- «Зүүсэ»-
Ульгэрэй орон угтахал,
Оройдонь гаража
Һонирхоходо

Одоол ехээр гайхахаш.

Хэнэн байгаалин эндэмэнь
Хүнэй түнхихэндэл
Үүдэнүүдтэй

Дээгүүрнь шулуун хана
Дуугай оторо оршохол.

Зэбэ номоёо элинсэгнай
Зүүжэ үүдэндэнь табидаг
Һэн.

Зарсаһан буга зангадань
Заатагүй орожо баясуулагда
Һэн.

Хүрин улаан жүлдыень
Хүншүү гарган шарахадаа,
Хори буряад угсаатан
Хангайн эзэдтэ баясадаг хэн.

Бароол
Барал
Бара даал

Баян дайдым хэшэг даал
Һэн.

Баатар мэргэн хүбүүдэйм
Бардаастай хоолойн
Хүнхинэхэдэ

Ногоон зүлгэ хибэстэл
Наруули ханынь майлаһаа,
ногоонууд үргэн холодоог
Һэн.

Һагсайтар дахуулан
тугалнуудаа.

Бабжа Барас баатарнай
Байжа үүдэнһэнь
харбахадань

Хатуу дайсадай ерэхэдэ,
Хада алагад табидаггүй хэн.

Хорин баян дайдаа
Хэды олон шэнжэлэгээгүй,
Домогто нимэрхүү газарнууд
Дуугай оршохонь харамтай
Аа.

Зүүсын оройдонь гараһаань
Зүүдэндэ мүнөөш
харадагы
Урда сагайнгаа угсаатанар
Уулзаад ерэхэндэл
болодогы

ЖАРГАЛТАЙ ЯБАХА ЗОЛ

80 наһанайнь нарата үдэрөөр!



- Манай хуралсалай ажахыда жараад онуудта республика соо эгээн түрүүн үнээдые оньһон машинаар хааж хураха хургуули бии болгодоһон юм. Гахай үсхэбэрилхэ эрдэм ухаанай түрүү арга хэрэглэдэг хэмди. Мүн овоцһайн ургууладг байгаабди.

үргэһэ нойргүй, амаралтагүй ябаха үөшье дайралдаа бээ. Тэрэ сагта гурим, журам шанга, хамтын хэрэгэй түлөө харюусалга, эрилтэ эхэ байгаа гүб даа. Харин наһананаа дүүргээд, олоной этигэл найдал харюулаад байхада, ямар жаргал бэлэй. Шойбон Цырендоржиевичай олон тоото орден, медалууд, хүндэллэй грамотанууд оролдосотой, үнэн шударгы ажалай аша габьяас гэршлээ.

Манай аха захатан, үндэр наһатай үбгэд, хүгшэд олон юумэ гараха, үзэхэ, элдэб янзын үүхэтэ үйлэ хэрэгүүдтэ ябаадаха зол хубитай байһан юм гээшэ ааб даа. Мүнөө ная, эрээ хүржэ ябаһан хүнүүд урдын аманта засагай зах үзөөд, гэгээн эрэлтэ социализм гээшые байгуулаһан аймшагтай хатуу шуната дайн соогуур ябажа, Эхэ орошоо, түрэл шотагаа хамгаалсаа, һүүдэнь үндэр наһанайнгаа жаргал элдэхэ үедөө капиталис байгуулалтын жэгтэйхэн амташые үзэжэ байна бшуу. Иймэ зол хуби мүнөөнэй эдир залуу үетэндэ зүүдэндэньше орохогүй ёһотой.

хүмүүжүүлжэ, багаһаань ород, хуушан монгол үзэг бэшэгтэ хургаха, хүн болгохо гэжэ яһала оролдоо юм. Эрхэһээр, эриһээр абажа, үмдэжэ өөдөө болоошые наа, эдир хүбүүн мурөө алдаагүй, багаһаа хурсахан, томоотой, ажалша бэрхээр хураа. Тиймэл хадань Шойбоной һая 17 наһа хүржэ ябаһадань, колхозойнь хүтэлбэрилэгшэд тэрэниие тарьян ажалай бригадын бригадирар томилоо ёһотой.


наань, японой сэрэг уһан шэнгээр урдан орохоо байгаа ха юм. Тиймэһээ үдэр хүнигүй шанга хургуули хэхэ, ходо һэримжэтэй байха, элдэб бүхэлэлтэ, хаалта бариха шухала нааб даа. Тэрэ муртөө бүхы юумэһэй баруун фронт эльгээгдэжэ байхада, зүүнтээхи сэрэгшэдэй эдихэ, үмдэхэ юумэн тулюуршаг байгаа.

- Заримдаа зобоо туляашье наа, энэ наһандаа гол түлэб жаргалтай ябааб. Хүнэй нэгэ наһандаа үзэхэ юумые яһала үзөөб гэжэ ханагшаб, - гээд, Шойбон Цырендоржиевич хэлээнэ.

- Энэ шолмошые бүхы наһараа ноён ябаха табисууртай байгаа бээ. Залуухан хүбүүн аад, мори унажархёод, мүнөөдэр хэн хэды тарья боогооб, хэды бухал табяаб гэжэ асуужа ябаһаа нэн. Тэрэһэй һүүлдэ ой модо бэлдэхэлгэдэ мастераар хүдэлөө. Сэрэгэй албандашье командир ябаа. Амгалан сагай үедэшые элдэб ажахы, эмхи зургаануудта хүтэлбэрилэгшөөр хүдэлөө гүб даа, - гэжэ шотагайнь үбгэд хүгшэд хөөрөөдэдэг бэлэй.

Дайнай дүүрһэнэй һүүлдэ Шойбон Цырендоржиев комсомолой Хориин райкомой нэгдэхэ секретаряар, нэгэ үедэ ой модоной ажахыда парткомой секретаряар хүдэлөө. Партиин обкомой захиралтаар хүдөө ажахыда эльгээгдэхэ болохоод, тэрэ хүтэлбэрилхы кадрнуудай 3 жэлэй хургуули дүүргэжэ, тусхай мэргэжэлтэй болоод, түрүүн М.Ербановой нэрэмжэтэ хүдөө ажахын техникумэй хуралсалай ажахын директорээр 7 жэлдэ ажаллаа.

Энэ хүмнай Хориин аймагай Дээдэ-Хурбын сомоной Могой шотагта 1918 оной июнини эгээл тэн багта, зунай зулгы найхан сагта түрһэн юм. Гэртэхииний олон үхибүүтэй улаан сурба айл байгаад, Будадариин Цырендоржотон гэжэ айлда үхибүүшлэхыень үгөө бэлэй. Өһөдөө үхибүүтэй болоогүй Гажадма Цырендоржо хоёр үргэжэ абаһан Шойбон хүбүүгээ аргагүй эрхэ тангилаар, хайханаар



ГУРБАЙ БАСНИ

Гунгаа ЧИМИТОВ

НОХОЙ ЯМААДАЙ ДАЛ СОО

Хотондо добтолһон Шонодо Хорёошо Нохой эсэргүүсэн, Ярьса хусахаһаа ондоо Яхаш аргагүй болохоодоо, Хүхэ Шонодо хээээшые Хүсөөр диилдэхэ нэн хойноо, Айхын эхээр айжа, Амья абархаа наһажа, Ямаадай бүтүү дал руу Ядаа гэжэ орошобо. Ямаад уржалгүй айлшанаа Яһан эбэрээрээ уггажа, Тархи, сээжэ, дала руунь, Ташаа, хабһа, ууса руунь Аймшагтай шангаар мургэжэ, Алаң түлэн алдаба. «Шонодо баригдан эдюулэнхаар, Шолбо сохиулаашам дээр» лэ, Амиды мэндэ үлөөшмни, Аза жаргал гээшэ лэ!» - гэжэ Хорёошо Нохой Гэншэн, гангинан бодоо нэн. Үхэжэ, үгы болонхаар, Үбшэн тэсээшэнь дээрэл даа.

Тужадаа, таладаа алдарнаһан Тугас Шубууе хунгай!» - гээд Турлааг ноён дурадхаба. «Аялга дуугаараа шалгарһан Алтан Гургадгайе хунгай!» - гэжэ Хүхы бэшээшэ Гэмгүй зохидоор донгодобо. «Тайбан байдал тогтоодог Тагтаа хаамнай болог лэ!» - гэжэ жэжэжэн Борбиллоо Гэнтэ шангаар пишаганаба. Эзэн хаан болохоор Эрхим һайн шанартай Тохорюун, Хун Шубууе Тоодог, Тоншуул, Харсагые Хойно-хойноһоо суглаашад Хонгёо хоолойгоор нэрлэбэд. «Эдэ дурадхагдаһан шубууд Эзэн хаамнай болоо наа, Хамаг бүхы жэгүүртэнгээ Хамгаалжа шадаха гээшэ гү? Хай даа, аршалжа яаш шадахагүй!

Жэнхэни үндэр хүдэтые Буряад уласайнгаа Президентээр Бултадаа эбтэйгээр хунгайл!

ҮНЭЭН ЯМААН ХОЁР

Үтэг бууса газарта Үнээн бэлсэжэ ябаа лэ. Ямар юумэ эдинэ гээд, Ямаан һонирхон адаглаа лэ. Юундэб гэхэдэ, хужарлама Юушые ямаан олоогүй нэн. Харин эндэ Үнээнэй Халаахай эдихые хараа нэн. Яажа байнаб? Хорлуулхань гээд, Ямаан наһаата болобо. Үнээн хорото халаахай Үмхэхын эхээр үмхэжэ, Ямаршыегүй жажална, Ядамагүй залгина... «Халаахай эдихэн Үнэеэ Хайшан гэхэ ёһотой юм? Хориит, болоулыт тэрэнээ, Хорлуулхань лэ, хосорхонь!» - гэжэ Ямаан мэгдүүгээр Гэрэй эзэндэ дуулгаба. - Үхэрэй тэжээл ондоо бшуу: Үрмэдэһэ эдихэ, халаахай. Харин, Ямаан, ши өөрөө Хануустада дуратай бшууш, - гэжэ эзэн харюусаба, Гэрэйнгээ ажал хэжэ оробо. Хүнүүднайшые амтатай хоол Хүндэлдэг лэ, арсадаггүй. Хажуугаарнь халуун үбһэ, Уатуу харые амсадаг лэ.

ЖЭГҮҮРТЭНЭЙ ХААН

Жэгүүртэн аймаг барандаа Жэжэ томогүй сугларжа, Эзэн хаанаа хунгаха Эдэбхи үүсхэл гаргабад: «Туйлай гоё хайханаараа

Хаан Шубуун гээшэмнай Үзэсхэлэн бэстэй, урихан, Үнэншэ байхаһаа гадна, Асари эхэ алдартай, Амбан хүсэ шадалтай, Жэнхэни үндэр гарбалтай Жэгүүртэн байха зэргэтэй! Одоо тиймэ Хаан Шубуун Одохо гү?» - гэжэ Онголи асуудал табига. «Гарууди! Хан Гарууди!» - гээдэжэ Гаңсата суглаашад шарьяа нэн. Хан Гарууди тингэжэ Хан боложо хунгагдаа нэн. Жэгүүртэнэй хаан Гаруудидал

Буряад арадай онтохон ТУГАС ЭРЭ ТАХЯА ХОЁР

Урдын урда сагта, үлгэр домогой эхиндэ, абарга томо заганадай жараахай байхада, Хаан гарууди шубуунай дальбараа байханад, алтан дэлхэйн амгалан тайбан байһан, ан гүрөөлэй анда нүхэд байхада, замбуулин түбиин сээсэг набшаар наджажа байһан, хүбшэ тайгын хоншууханаар анхилжа байһан үе сагта бэлэй. Торгон улаан залаатай, холонго мэтэ олон үнгэтэй һаглагар хайхан һүүл намилзууһан хонгёо хоолойтой эрэ тахья өөдөгүйхэн абар табар үдэнүүдхээ бүридһэн һүүлтэй, манлай дээрэ дүрбэ табан сасагтай һөөлдэнги хохир хоолойтой тугас шубуун хоёр эбтэй эетэй хүршэлжэ байһан юм ха. Һара жэлүүд үнгэржэл байба, тугасайнь ухаан бодолынь ямар мэхэ гохоор, хайшан гэжэ эрэ тахьягай гоё һүүлынь абажархиха гээшэбиб гэжэ атаа жүрөөндэ абтаба. Хара наһанда хойшолон юун байха бэлэй. Нэгэтэ үглөөгүүр үглөөнэй шүүдэрэй мүнгэн дуһалнуудаар ундаалаад, алтан паранай эршэдэ игажа байтараа, тугас наһан бодолдо, гуниг гашуудалда дарагдаһан хэбэр үзүүлэн, бүхы шадаха аргаараа ирагуу зөөлэн хоолой гаргажа, аалиханаар хандаба ха: - Бишини түрэл тугасайдаа түрэ хуримда уржалтай боложо, яажашье наа ошохо баатай болоод байнаб, тээд нимэ өөдөгүй, дарагдаһан һүүлтэй айлан ошохомни эхэл эшхэбтэр байна, тиймэһээ шимни намдаа гоё хайхан һүүлээ нэгэ хэды хонгоор зүүлгэхэ болобо гээшэ гүш даа? Тийгэбэлшни шамаяа бүхы наһан соогоо топ хүндэтэйгээр, угаа хайханаар наһажашье, арга шадалаараа туһалхашье гээшэб, - гээд аргагүй гуйнгар урдаһаань хараад байба. Гэнэн хонгор эрэ тахьягай толгойдо ямар муу бодол түрэхэнь даа, удааншые бодолгото болонгүй зүбшөөжэ, асууба ха: «Хээээ, хэды сагта шамаяа хүлээхэбиб?» Гэдэһээ хахарха болотороо хүшишэһэн тугас, эхэл даруухан янзаар харюусаба: «Шадалаараа яараха бээб, хүдөө шотагта юун удаан болохо нэнбиб? Үүр сайхын урдаһана гү, али үдын паранай үедэ хүлээжэл байгаарай», - гэжэ хэлээд, гоё хайхан һүүлынь зүүжэ, өөрынгөө абар табар һүүлээ эрэ тахьядаа шагтагалжархёод, үдэшин улаан паранаар хүбшэ тайга, хирхаг дээхэнүүр, хүхэ тэнгэрийн хаяа доохонуур нийдэжэ холо ябашалай. Эрэ тахьямнай наһаа амархан хэдэн үдэр тугасаа хүлээбэ, тээд тэрэнь үгыл аад үгы. Гоё хайхан хархагар һүүлээ хүлээжэ ядаһан эрэ тахья үүрэй сайхын урдаһана, үгышые наа, үдын паранай үедэ үндэр юумэн дээрэ гаража, далинуудаа хэды-хэды дахин һэбижэрхёод, бүхы шадалаа гарган голхоронги хонгёо хоолойгоор «Ку-ка-ре-ку-у-у, гоё хайхан һүүлдем хээээ бусааха юмши?» - гэжэ мүнөө болотор хашхардаг болоһон гэхэ. Энэ үзэгдөөгүй бузгай ябадал тухай хурагынь орон шотагуудаар, ан амитадай хоорондо хара халхин мэтэ тараал ааб даа. Тэрэ саһаа уламжалан, атаа жүтөөн, мэхэ гохо, худал хуурмаг, хомхой хобдог гэхэ мэтэ муу муухай ябадалнууд дэлгэрһэн байжа болоо хаш.

М. НАМЖИЛОВ. ЗУРАГ ДЭЭРЭ: Ш.Ц.Цырендоржиев. Авторай фото. Батамүнхэ ЗЫДРАБЫН бэлдэбэ.



ХАРЮУСАЛГАТА АЖАЛАА МЭДЭРЭН

Улаан-Үдэ станцин отделенческэ больницын поликлиникэ Зүүн Сибириин түмэр замай больницада хабаатай. Тиймэһээ байгуулагдаһан саһаа хойшо эндэхи эмшэлэгшэд түмэр замайхидай, ЛВРЗ-гэй, ЗММК-гай хүдэлмэришэдэй элүүр энхые сахидаг юм. Энэ удаа маанад больницын стоматологическа таһагай эмшэлэгшэдтэй танилсаабди.

Юрын үдэр эндэ ороходомнай, ажальш түлэг дундаа байба. Гурбан нара шахуу энэ таһагыг даагшаар хүдэлжэ байһан Галина Афанасьевна



ерэдэг, -гэжэ Фаина Коваленко энеэбхилэн хэлээ хэн.

Үиндөө хото хүдөөгөөр эмшэлэгшэд саг үргэлжэ шүдэ эмнэжэ ябадаг байһан юм. Таһагайхид Железнодорожно районной хүүгэдэй бүхы сээрлигүүдэй, хургуулинуудай, мэргэжэлэй тусхай хургуулинуудай хүүгэдыг баһааһан харууһалдаг хэн. Энэ заншалта эмнэлгээ мүнөөшье болотор ябуулдаг байһаниинь ехэ хайшаалтай.

Уншагшадай анхаралда: тус таһагай стоматологууд бултадаа, нэгэ дуугаар шахуу, «Жемчуг», «Лесная» гэхэн шүдэнэй пастануудые хэрэглэхые зүбшэнэ. Хари гүрэнүүдһээ асарагдаһан үнгэртэй пастануудта орходоо хямда, шанарай, эмшэлгын талаар булюу гээд найдуулна. Үнэ сэнгэй талаар гэхэдэ, түмэр замай, ЛВРЗ-гэй хүдэлмэрилэгшэд эндэ мүн лэ хямда сэнгээр шүдэ эмнүүддэг юм. Наһажаал зон хүнгэлэлтэтэй сэнгээр шүдэ хүүдэнэ.

Олон жэлэй туршада хүдэлжэ байһан врачнууд С.Д.Гунгаева, Л.И.Можасева, Е.В.Гордиенко, Е.А.Ефимова гэгшэд залуу халаанда дүй дүршлөө дамжуулаар.

Экономическа хүндэ сагай тохёолдоод байһаниинь мэдэрһэн манай мэргэжэлтэд арга шадалаараа оролдожо хүдэлнэ. Саашадаашье элүүр энхэ, хүсэл зоригтой байхыень хүсэнэб, - гэжэ стоматологическа таһагыг даагша Г.А.Кожевина хэлэнэ. Бидэ мүн лэ эдэнэртэ баярыг хүргэн, ажалдаа амжалтатай ябахыень хүсэнэбди.

Ешигма ЦЫБЕНОВА.

ЗУРАГУУД ДЭЭРЭ: врач-стоматолог С.Б.Очирова; шүдэнэй техник В.Д.Артюк. Гомбо САМБЯЛОВАЙ фото.



Кожевинагай кабинеттэй үүдэндэ хуушан таһагыг даагшын нэрэ обог бэшээтэй байба.

- Манай стоматологическа таһагыг 1905 оной Революциин гудамжаар оршодог шэнэ байшан руу зөөлгэхэ гэхэн шийдхэбэри үнинэй гаргаданашье наа, мүнөө болотор нүүгээ үдыбди. Тиймэһээ байра байдалнай саг зуурын мэтээр үзэгдэнэ. Үүдэндэхи саархануудаашье абаад яахамнайб, - гэжэ Г.А.Кожевина хэлээ хэн.

Анхан сагта энэ стоматологическа таһаг бүрин бүтэн, хайн түхээрэлгэнүүдтэй байгаа. Тээд мүнөө бүхы тээ юумэнэй халан хандархада, энэ больница халбарин эмхи зургаанда хабаатай гэжэ тоологдодог ехэ хүшэр байдалда оронхой. Ажалай үрэ дүнгүүд ажалшадһаа сэхэ дулдыдана бшуу. Энэ талаар тус таһаг омогорхомоор бэрхэ, дүй дүршэлтэй мэргэжэлтэдтэй. 30 гаран жэлэй туршада энэ таһагта хүдэлжэ байһан Ф.Е.Коваленкын эмшэлэлгэ үнэхөөрөө жэншэдгүй.

- Энэ райондо ажаһуудаг үбгэд хүгшэдыг бултынь шахуу танидаг болонхойб, намдаал

АЖАЛАЙНЬ ҮНДЭР СЭГНЭЛТЭ

Буряадай гүрэнэй университетэй дэргэдэ байгуулагдаһан «Монгол хэлэнүүдыг зааха методико болон теори» гэхэн диссертационно совет хаяхан зүблөө үнгэргэбэ.

Энэ зүблөөн дээрэ буряад хэлэ бэшгэй факультэдэй деканай орлогшо Сергей Гармаевич Ошоровой диссертаци шагнадаа. Бэлигтэй багшын буряад хэлэ зааха методикоор тон ехэ ажал хэһые тэмдэглэхээр. Хүдэлмэринь үндэрөөр сэгнэгдэжэ, Сергей

Гармаевичта «Педагогикын эрдэмэй кандидат» гэхэн эрдэмтэ зэргэ олгодоо.

Хэдэн жэлэй туршада буряад хэлэ зааха методикоор нэгэшье хүн диссертаци хамгаалаагүй байгаа бшуу. Тиймэһээ энэ жэл тус советтэй зүблөөнүүд дээрэ Бадмажаб Баясхаланович Будаин, Донит Батуевна Базарова, Сергей Гармаевич Ошоров гэгшэдэй буряад хэлэнэй методико шудалһан ажалнуудын үндэрөөр сэгнэгдээ.

Борис БАЛДАНОВ.

Футбол

«СЭЛЭНГЭ» - «ТОРПЕДО» - 2:0

«Сэлэнгэ» - Константин Кобунов, Давид Келехашвили (Александр Зыков), Валерий Лыженков (Сергей Олейниченко), Александр Жуков, Игорь Грига (командын капитан), Андрей Ачкасов, Игорь Зыков, Андрей Пойманов (Алексей Петров), Валерий Тетерин, Николай Федькович, Виктор Малых (Алексей Тихоньких).

«Торпедо» - Сергей Булгаков, Максим Милосердов, Александр Поздняков, Владимир Першин, Евгений Грузинский, Константин Конохов, Александр Стенькин (командын капитан), Андрей Буравлев (Олег Николенко), Вячеслав Пожидаев, Константин Чебыкин, Владимир Щепитко.

Мүрысөөнэй ахмад судья: республикын категориин судья Александр Прокудин (Красноярск), мүрысөөнэй судья-инспектор Г.А.Мельков (Владивосток).

Манайда айлшаар ерэнэн Рубцовскын футболистнууд үнгэрэгшэ жэлэхидэл адли, наһаанда хүржэ нааданагүй ха. Эдэнэр найман уулзалгаһаа дүрбэн очкотой, мүрысөөнэй таблицада һүүлшын һуури эзлэнэ. Манайда ерэхынгээ урда тээ эдэнэр Эрхүүгэй «Звездада» 4:0 тоотойгоор диилэһэн байба.

Хура бороо элбэгтэй энэ үдэшэ Улаан-Үдын зон стадиондоо олоороо сугларанхай байгаа бэлэй. Ушарын хэлэхэдэ, «Сэлэнгын» футболистнууд байгша ондо яһала хайн бэлэдхэлтэй байһанаа харуулжа эхилэнхэй.

Нааданшье түлэгтөө оронхой хоёр командын гэшүүд өөһэд өөһэдэнгөө тала хамгаалжэ нойтон талмай дээгүүр унажа бужоо байгаад довтолгоо хамгаалга эмхидхэнэ. Уулзалгын хоёрдохи хахадэй эхилэмсээр, хэдэхэн минутын үнгэрөөд байхада, айлшадай хамгаалгаша бумбэгэ гараараа дайраба. Ялын энэ бумбэгэ Игорь Зыков мэргэлхэдээ, тоо нээжэ, сугларашадаа урмашуула.

Нааданай эхилхээр хорёо минутын үнгэрөөд байха үеэр айлшадай хамгаалгаша Владимир Першиндэ ялын улаан карточка харуулагдажа, саашадаа наадаха эрхгүй болобо. Юуб гэхэдэ, тэрэ манай довтологшыг ара талһаан дайража, унагаһан байгаа. Энээнэй удаа манай футболистнууд довтолгоёо улам эршээтэй болгожо эхилбэ...

Уулзалгын дүүрэхын урдахана ээлжээтэ довтолго боложо, Игорь Зыков хоёрдохи бумбэгэ айлшадай ворота руу сохижо оруула. Энээгээр наадан дүүржэ, «Сэлэнгын» футболистнууд гурбан очко нэмэритэй боложо, дун хамта 19 очкотой мүрысөөнэй таблицада эзэлһэн хоёрдохи һуури улам батадхаба.

«Сэлэнгын» футболистнууд энээнэй удаа Сибириин хото гороуд руу хүнгэн бэшэ наада үнгэргэхөөр аян замаа үргэлжэлүүлбэ. Тийн июнин 23-да мүрысөөнэй таблица толгойло яһан «Чкаловец», 26-да Ленинск-Кузнецкын «Заря» командануудтай наадаха болоно.

Бадма ЦЫРЕМПИЛОВ.

Семья Цыбиковых и их родственники выражают слова благодарности за оказание помощи в организации похорон нашего сына Булада Улзытуевича генеральному директору ОАО АТП «Центральное» Валерию Владимировичу Красникову.

Уларилай шэнжэ

ЭЛБЭГЭЭР ОРОНОН УНДЫН УНАН...

Байгша оной июнин 12-хоо 18 хүрэтэр республикын нютаг нугануудта хура бороо, аадар орожо, гандажа захалһан таряалан, сабшалан, бэлшээрй ундауулба. Энэ үе соо Мухар-Шэбэрэй аймагта аяр 123 миллиметр бороо ороо юм. Тийхэдэ Кабанскда-68, Бэшүүртэ -55, Хяагтада-51, Улаан-Үдэдэ -46, Петропавловкада-44, Орлик, Хэрэн, Сахир, Хори, Таксимодо-18-һаа 28, Баргажан, Хурамхаан, Багдарин, Нарһата, Доодо-Ангарт 1-8 миллиметр хура бороо ороһон байна.

Хэдэн хоногой туршада зарим нютагуудта ехээр ороһон хура бороогой хэмжээн 2-2,5 харын нормоһоо үлүү болоно. Саашадаа ойро зуурын хура бороо орохо, аадарлахаар хүлээгдэнэ. Үдэртөө 17-22 градус хүрэтэрөө дулаархаар хараалагдана.

Ц.Жалсанова, Улаан-Үдын гидрометобсерваториин таһагыг даагша.

Эмхидхэн байгуулагшад - Буряад Республикын Президент, Арадай Хурал болон Правительство

Ахмад редактор А. Л. АНГАРХАЕВ

РЕДАКЦИОННО КОЛЛЕГИ: Б.М.Ж.БАЛДАНОВ (ахмад редакторай орлогшо), Г.Х.ДАШЕЕВА (ахмад редакторай орлогшо), Б.В.ГЫНДЫНЦЫРЕНОВ (харюусалгата секретарь), А.Г.ЛУБСАЛОВ (Буряад Республикын Правительство), Д.Д.СУНДАРОН (Буряад Республикын Арадай Хурал), таһагуудыг даагшад: Н.Д.НАМСАРАЕВ, Т.В.САМБЯЛОВА, Д.Ш.ХУБИТУЕВ, А.Д.ТАПХАЕВ, В.И.ПИНТАЕВ (хэблэлэй директор).

Манай адрес: 670000, Улаан-Үдэ, Каландарнишвилиин үйлэ, 23, «Буряад үнэн» газетын редакци.

Газетэ хэблэлэй 1 хуудһан хэмжээтэй. Индекс 50901. Хэһэг 3.900 (хамта 25.900). Хэблэлдэ тушаагдаһан саг 17.00.

«Республиканска типографи» гэхэн АО-до газетэ хэблэгдээ. Директорайн телефон: 21-40-45. Б-0079-дэхи номертойгоор бүридхэлдэ абтанхай. Заказ № 8358.

Редакциин телефонууд: ахмад редакторай - 21-50-96, приёмнын - 21-54-54, ахмад редакторай орлогшонорой - 21-68-08, 21-64-36, харюусалгата секретариин - 21-50-52, секретариин - 21-50-52, таһагууд: экономикын болон политикын-21-63-86 (даагшан), 21-34-05, 21-55-97, соёлой, түүхын болон залуушуулай - 21-54-93 (даагшан), 21-57-63, 21-69-58, 21-60-21, мэдээлэлэй болон рекламн - 21-62-62, 21-67-81, хэблэлэй - 21-33-61, оператор-корректорнүүдэй - 21-61-35, фотокорреспондентнүүдэй - 21-33-61, компьютерна түбэй-21-66-76.

"Бурятия" хэблэлэй телефонууд: директор - 21-49-94, бухгалтери - 21-23-67, вахта - 21-60-91.

Тоонуудай, бодото баримтануудай, хүнэй, нютагай нэрэнүүдэй бэшэлгыг хазгайрууһан ушарта авторнуудын харюусалгатай. Редакциин ханамжай авторайхитай адли бэшэ байжа магад.